

ՀՀ ԿՐԹՈՒԹՅԱՆ, ԳԻՏՈՒԹՅԱՆ, ՄՇԱԿՈՒԹՅՈՒ ԵՎ ՍՊՈՐՏԻ ՆԱԽԱՐԱՐՈՒԹՅՈՒՆ

ԵՐԵՎԱՆԻ ՊԵՏԱԿԱՆ ՀԱՄԱԼՍԱՐԱՆ

22, Երևան, 0025, Ալեք Մանուկյան 1 • Республика Армения, Ереван, 0025, Алека Манукяна 1 • 1 Alex Manoogian st., Yerevan, 0025, Republic of Armenia
(+374 10) 55-47-52, (+374 10) 55-46-41 (Fax), info@ysu.am, www.yasu.am

ք. Երևան

11.12.2023թ.

Ո Ր Ո Շ ՈՒ Մ

ԵՊՀ-ԲՄԱՇՁԲ-23/1

(գնումների գործընթացին մասնակցելու իրավունք չունեցող մասնակիցների ցուցակում ներառելու մասին)

ՊԱՐԶԵՑ

«Երևանի պետական համալսարան» հիմնադրամի կարիքների համար Դիլիջանի հանգստյան գոտու կառուցման աշխատանքների ձեռքբերման նպատակով 2023 թվականի սեպտեմբերի 27-ին տեղեկագրում հրապարակվել է «ԵՊՀ-ԲՄԱՇՁԲ-23/1» ծածկագրով գնման ընթացակարգ (այսուհետ՝ Ընթակարգ):

Ի թիվս այլ մասնակիցների Ընթացակարգի 1-ին չափաբաժնի մասով մասնակցության հայտ է ներկայացվել նաև «Կապավոր» ՍՊ ընկերության (ՀՎՀՀ՝ 90003442, այսուհետ՝ Ընկերություն) կողմից:

Ընթացակարգի գնահատող հանձնաժողովի (այսուհետ՝ Հանձնաժողով) 2023 թվականի նոյեմբերի 3-ի արձանագրության 7.2 կետով Ընկերության կողմից ներկայացված հայտի փաթեթում արձանագրվել են անհամապատասխանություններ: Մասնավորապես՝ ներառված «հավելված 1.1»-ով անհրաժեշտ է եղել ներկայացնել սարքերի և սարքավորումների տեխնիկական բնութագրեր, սակայն մասնակցի կողմից ներկայացվել են կայքէջի հղումներ:

Հանձնաժողովի նույն նիստի արձանագրության 8.1 կետով գնման ընթացակարգը՝ ՀՀ կառավարության 2017 թվականի մայիսի 4-ի N 526-Ն որոշման 1-ին կետի 1-ին ենթակետով հաստատված կարգի (այսուհետ՝ Կարգ) 41-րդ և 42-րդ կետերին համաձայն կասեցվել է, իսկ Ընկերությանը ներկայացվել են հայտնաբերված անհամապատասխանությունները շտկելու վերաբերյալ ծանուցումներ:

Հանձնաժողովի հաջորդ՝ 2023 թվականի նոյեմբերի 8-ի նիստի արձանագրության 9.2 կետով ամրագրվել է, որ Ընկերությանը հատկացված մեկ աշխատանքային օրում արձանագրված անհամապատասխանությունները չեն շտկվել, նույն արձանագրության 9.2.1 կետով՝ «Գնումների մասին» օրենքի (այսուհետ՝ Օրենք) 34-րդ հոդվածի 1-ին մասի և Կարգի 42-րդ կետի համաձայն Ընկերության հայտը գնահատվել է անբավարար և մերժվել, իսկ 11.1 կետով՝ Հանձնաժողովը հիմք ընդունելով Օրենքի 6-րդ հոդվածի 1-ին մասի 6-րդ կետի ա) ենթակետը և նույն հոդվածի 2-րդ մասը որոշել է Ընկերության տվյալները ներկայացնել լիազոր մարմին՝ գնումների գործընթացին մասնակցելու իրավունք չունեցող մասնակիցների ցուցակում ներառելու նպատակով:


Հիմք ընդունելով վերոգրյալը, ինչպես նաև Օրենքի 6-րդ հոդվածի 2-րդ մասը.

ՈՐՈՇԵՑ

Ընկերությանը գնումների գործընթացին մասնակցելու իրավունք չունեցող մասնակիցների ցուցակում ներառելու նպատակով՝ սույն որոշումը կայացվելուն օրվան հաջորդող օրը այն տրամադրել լիազորված մարմին և մասնակիցներին:

ԸՆԴՀԱՆՈՒՐ ՀԱՐՑԵՐՈՎ

ԳԾՈՎ ՊՐՈՌԵԿՏՈՐ՝



Ա. Գ. ՄԱԼԽԱՍՅԱՆ